

Lingua suahili

Na Galipedia, a Wikipedia en galego.

O **suahili**,^[1] tamén chamado *swahili* ou *kiswahili*, é unha lingua africana que pertence ao subgrupo sabaki das bantú. Dentro das bantú, é a que conta co número maior de falantes. É unha das linguas oficiais do Quenia, da Tanzania e de Uganda, aínda que os seus falantes nativos, os pobos Suahili, sexan orixinarios só das rexións costeiras.

É falada por uns cincuenta millóns persoas no mundo, incluíndo, alén dos países que a teñen como lingua non oficial, Uganda e a República Democrática do Congo. É tamén falado con algunha frecuencia nas áreas urbanas do Burundi e de Ruanda, no sur da Somalia ata ao norte de Mozambique (ao longo do litoral de África oriental), na Zambia e no sur da Etiopía. Existen tamén algunhas comunidades de falantes de suahili en Madagascar e nas illas Comores. Con todo, a maior parte dos seus falantes non a usan como lingua materna. De feito, crese que só dous a tres millóns, dos cincuenta millóns están nesta situación, o que significa que a gran maioría fala como lingua materna outro idioma níxer-congolés (por exemplo, bantú) ou cuxítico (somalí, por exemplo).

Índice

Descrición lingüística

Pronuncia
Fonoloxía

Gramática

Notas

Véxase tamén

Ligazóns externas

Descrición lingüística

O suahili é unha lingua aglutinante e flexiva, polo que xeralmente cada palabra é claramente segmentábel en afixos cun significado gramatical bastante preciso.

Suahili 'Kiswahili'

Outros

swahili

nomes:

Falado en:

 Quenia
 Tanzania
 Uganda
 República Democrática do Congo
 Ruanda
 Burundi
 Somalia
 Mozambique
 Illas Comores (Incluindo  Mayotte)

Rexións:

África oriental

Total

50 millóns aprox.

de falantes:

Familia:

Bantú
Suahili

Estatuto oficial

Lingua

Quenia, Tanzania e Uganda

oficial de:

Regulado

Baraza la Kiswahili la Taifa
(Tanzania)

por:

Códigos de lingua

ISO 639-1:

sw

ISO 639-2:

swa

ISO 639-3:

swa (<http://www.sil.org/iso639-3/documentation.asp?id=swa>)

SIL:

SWA

Pronuncia

As regras de pronuncia do suahili son moi simples. Tódalas palabras son graves, agás *Zánzibar*. Tódalas letras que se escriben tamén se pronuncian e as sílabas sempre rematan en vogal, mais un *m* ou un *n* poden ser por si sós unha sílaba. As vogais son como en castelán, xa que só hai cinco. As consoantes pronúncianse do seguinte xeito:



- Distínguese entre *b* e *v* como en portugués. O *b* pronúnciase [b] segundo o AFI.
- O *c* só se emprega co dígrafo *ch* pronunciado [tʃ] segundo o AFI.
- O *d* sería sempre [ð] (AFI).
- O *g* pronúnciase como *ga*, *go* ou *gu* en galego, mesmo diante de *e* ou *i* (AFI: [g]).
- O dígrafo *gh* soa como un *r* francés, gutural (AFI: [ʁ]).
- O *h* é aspirado (AFI: [h]).
- O *i* é sempre vogal (AFI: [i]).
- O *j* pronúnciase [dʒ] segundo o AFI.
- O dígrafo *kh* é como o *j* na lingua castelá, un *h* aspirado pero máis forte, como en *Khomeini* ou *Khartum* (AFI: [x]).
- O dígrafo *ng* pronúnciase como un *n* e un *g* (AFI: [ŋg]).
- O dígrafo *ng'* pronúnciase como un *n* nasal (AFI: [ŋ]).
- O dígrafo *ny* pronúnciase ñ como en castelán, polo que "Kenya" pronúnciase *Queña* e non *Quenia* (AFI: [ɲ]).
- O *q* non existe.
- O *r* pronúnciase sempre, xa sexa ao comezo de palabra ou intersilábico, a medio camiño entre o *r* e o *rr* do galego. Adóitase escoitar tamén como *l* e entre os ultrapuristas como *rrr* (AFI: [r]).
- O *s* é sempre xordo (AFI: [s]).
- O dígrafo *sh* pronúnciase como o *x* galego na palabra "xesta" (AFI: [ʃ]).
- O *u* é sempre vogal (AFI: [u]).
- O *v* diferénciase do *b* como se fai no portugués ou no francés (AFI: [v]).
- O *w* é o *u* semivocálico (AFI: [w]).
- O *x* non existe.
- O *y* é o *i* semivocálico (AFI: [j]).
- O *z* é como o *s* sonoro no portugués (AFI: [z]).

Fonoloxía

O inventario fonético do suahili estándar ten cinco fonemas vocálicos: /a/, /ɛ/, /i/, /ɔ/, y /u/. Ademais, o suahili non ten ditongos; en combinación de vogais, cada letra pronúnciase separadamente. Por iso, a palabra suahili para "leopardo", *chui*, pronúnciase [tʃu.i], con hiato.

O seguinte cadro amosa o inventario de sons consoánticos en suahili. Entre paréntese aparecen os alófonos, en cursiva a grafía e entre barras os fonemas.

	Bilabial	Labiodental	Dental	Alveolar	Postalveolar	Palatal	Velar	Glotal
Nasal	<i>m</i> /m/			<i>n</i> /n/		<i>ny</i> /ɲ/	<i>ng'</i> /ŋ/	
Prenasalizada nasal	<i>mb</i> / ^m b/			<i>nd</i> / ⁿ d/		<i>nj</i> / ^ɲ ʝ/~/ ⁿ dʒ/	<i>ng</i> / ^ŋ g/	
Implosiva	<i>b</i> /b/			<i>d</i> /d/		<i>j</i> /ʝ/	<i>g</i> /g/	
Oclusiva	<i>p</i> /p/			<i>t</i> /t/	<i>ch</i> /tʃ/		<i>k</i> /k/	
Aspirada	(<i>p</i> /p ^h /)			(<i>t</i> /t ^h /)	(<i>ch</i> /tʃ ^h /)		(<i>k</i> /k ^h /)	
Fricativa prenasalizada		<i>mv</i> /m̥v/		<i>nz</i> /n̥z/				
Fricativa sonora		<i>v</i> /v/	(<i>dh</i> / ð/)	<i>z</i> /z/			(<i>gh</i> / ɣ/)	
Fricativa xorda		<i>f</i> /f/	(<i>th</i> /θ/)	<i>s</i> /s/	<i>sh</i> /ʃ/		(<i>kh</i> /x/)	<i>h</i> /h/
Vibrante múltiple				<i>r</i> /r/				
Aproximante lateral				<i>l</i> /l/				
Aproximante						<i>y</i> /j/	<i>w</i> /w/	

Gramática

A característica gramatical máis prominente das linguas bantús é o uso extensivo de morfemas baixo a forma de prefixos. Cada substantivo pertence a unha clase e cada idioma pode ter aproximadamente dez clases, un pouco como xéneros en idiomas europeos. A clase indícase por un prefixo no substantivo, como tamén en adxectivos e verbos que concordan con aquel. O plural indícase por unha mudanza de prefixo.

Por exemplo, en suahili , *Mtoto mdogo amekisoma* significa *O neno pequeno leu isto* (un libro, implícito). *Mtoto* = neno goberna o prefixo do adxectivo "m" (*mdogo*) e o suxeito do verbo co prefixo "a". De seguido vén o tempo do verbo (perfecto) "me" - e un marcador de obxecto "ki" - concordando con *kitabu* (implícito), libro. O plural desta frase é: *Watoto wadogo wamekisoma*; se usarmos o plural para libros (*vitabu*), a frase tórnase: *Watoto wadogo wamevisoma*.

Notas

- Definicións no *Diccionario da Real Academia Galega* (<http://academia.gal/diccionario/-/termo/busca/suahili>) e no *Portal das Palabras* (<http://portaldaspalabras.gal/diccionario/procura/suahili>) para *suahili*.


Véxase tamén

Ligazóns externas




Wikimedia Commons ten máis contidos multimedia

- Kamusi Project (<https://kamusi.org/>) Dicionario Suahili-Inglés.
- Ethnologue report on Swahili (https://web.archive.org/web/20060321134742/http://www.ethnologue.com/show_language.asp?code=swh) Ethnologue report on Swahili, Congo (http://www.ethnologue.com/show_language.asp?code=swc)

na categoría: **Lingua**
suahili 



Existe unha versión da
Wikipedia en **Lingua**
suahili

 Este artigo sobre *lingüística* é, polo de agora, só un
bosquexo. Traballa nel (https://gl.wikipedia.org/w/index.php?title=Lingua_suahili&action=edit) para axudar a contribuír
a que a Galipedia mellore e medre.

Existen igualmente outros artigos relacionados con este tema nos
que tamén podes contribuír.

Traído desde "https://gl.wikipedia.org/w/index.php?title=Lingua_suahili&oldid=5272581"

A última edición desta páxina foi o 11 de outubro de 2019 ás 11:52.

Todo o texto está dispoñible baixo a licenza Creative Commons recoñecemento compartir igual 3.0; pódense aplicar termos adicionais. Consulte os termos de uso para obter máis información.

Wikipedia® é unha marca rexistrada da Wikimedia Foundation, Inc., unha organización sen fins lucrativos.